

**Naaja H. Nathanielsen  
Attaviitsoq**

**UPA 2016/145  
24. maj 2016**

**Nunatta nunatut nunarsuarmioqataasutut qanoq inissisimanera qanorlu nunani allani nunallu tamalaat akornanni sorsunnerit pisullu allat peqqutigalugit inuttut ajunaarnersuartoqartillugu Nunatta qanoq pisarnissaa, nunallu tamalaat akornanni ikiuiniarnerit qimaasunillu tigusiniarnerit nunanit tamalaanit peqataaffigineqartillugit Nunatta qanoq inissisimasarnissaa pillugu Inatsisartuni oqallisissiatut siunnersuut.**

(Inatsisartunut ilaasortaq Sara Olsvig, Inuit Ataqatigiit)

Nunatta pingaarnertut aalisarneq aningaasarsiuutigaa taakkulu saniatigut naalagaaffimmiit Europamillu aningaasanik tapissutisarneq. Taakku saniatigut kissaatigaarput aatsitassarsiorneq takornariaqarnermillu inuussutissarsiorneq aningaasarsiuutigineqassasut. Taakku tunngaviumik nunatsinni piviusut naqissuserpaat nunarsuarmioqataanerput. Allamik periarfissaasoqanngilaq, akuerineqartariaqarlunilu. Naalackersuinikkut ingerlaarnitsinni avinngarusimaniartutut immitsinnullu inuiattut pingaarnerusutut inissisimanissaq toqqaagutta immitsinnut kigaallassassaagut. Nammineerluta aningaasaqarnitsigut ingerlanniassagutta inuiattullu namminersortutut ingerlanissatsinnut tunngaviliiniarluta, taava nunarsuup sinnera pisariaqartipparput. Ajoraluartumilli naalackersuinikkut ingerlaarnermi nunarsuarmioqataanerput tunukkiartuaarparput. Kisitta taamak iliuuseqartuunngilagut. Nunarsuarmi taamatut nikikkiartorneq takussaavoq. Isumaqarpungali taamatut eqqarsarneq akiorneqartariaqartoq. Inuiaat oqaluttuarisaanerat qimerloorutsigu inuiaqatigiit imminnut naammagiinnalerlutik mattussuuttarnerat akunnerminnilu eqqarsartaatsikkut talulersortarsimanerat pitsaasumik kinguneqanngisaannarsimavoq. Uppernarsineqarsinnaanngissoraara taamatut eqqarsartarnerup inuiattut kinaassutsip siuarsarneranik nukittuunngortitsineranilluunniit. Inuttut nukissaqarluaraanni innuttaaqatit sanngiinnerusut isumassornissaannut akisussaaffeqartugut isumaqarpunga. Tamanna atuuppoq inuit akornanni kisianni aamma naalagaaffiit akornanni. Imaanngilaq ajornartorsiuteqanngitsugut. Naalagaaffeqanngilaq ajornartorsiuteqanngitsunik. Nunat tamarmik piitsuussusermik, peqqarniisaarnermik, pinerlunnermik, suliffissaaleqinermik ajornartorsiutinillu allanik nalaataqartarput. Nunatsinnilu tamakkuninnga aamma ajornartorsiuteqaraluarluta nunanut allanut sanilliulluta nukissaqarluarpugut. Aningaasaqarnikkut inuttullu nukissaqartigaagut inunnik allanik isumassuisinnaassuseqarluta. Tamanna ukiut tamaasa uppersarsisarpurput, nunaqqativut ilaquuttaminnik saniliminnillu ikiuisartut, ukiullu tamaasa nammineq kajumissuseq tunngavigalugu nunami maani nunanilu allani suliniutinut aningaasarpassuarnik tunniussilluni ikiuiniartoqartartoq. Isumaqarpunga Namminersorlutik Oqartussat innuttaasut qanilaarlutik ikiuimatussusaanut tarrarsorlutillusooq iliuuseqarsinnaanertik takutittariaqaraat, imminnullu

**Naaja H. Nathanielsen**  
**Attaviitsoq**

mattunniarluni isummamik saqqummiussuisunut naalaannarni iliuuseqassasut. Nunat tamat eqqarsarunik nammineq ajornartorsiutiminnik aaqqeeqqaartariaqarlutik, nunarput inissisimaneerluttupilussuusimassagaluarpoq. Danmarkimi ajornartorsiutinik immi sorsutassaqaqaaq, soorlu aamma eruropami aamma taamaattoq. Takorlooruk tunuppatsigut. Nunarsuarmioqataasutut akisussaaqataaneq namminiilivinniarnitsinnut malittaavoq nalinginnaasoq. Nunarsuarmioqataasutut isumalluutigineqarsinnaasutut isigineqarusukkutta akisussaaqataaneq nukittussuserpullu takutittariaqarparput. Tamannalu angusinnaavarput nunarsuatsinni ajornartorsiutaasunut, soorlu piitsuussusermut, sorsunnernut silaannaap allanngoriartorneranullu aaqqeeqataasutut inissikkutta. Sapinngisarput naapertorlugu soorunami ikiutissaagut. Kisianni avaqqussinnaanngilarput aaqqeeqataanissarput.